

Na osnovu člana 34. tačka 5. i člana 52. Statuta Grada Zenica ("Službene novine Grada Zenica", br. 5/15), a u vezi sa odredbama zakonskih i drugih propisa koji se odnose na obavljanje javnih usluga javnih ustanova čiji je osnivač Grad Zenica, Gradonačelnik Grada Zenica daje

PREPORUKU
o transparentnosti i socijalnom aspektu zapošljavanja

I

Polazeći od svrhe osnivanja javnih ustanova, a to je obavljanje djelatnosti od javnog, odnosno šireg društvenog interesa, kao i od potrebe unapređenja transparentnosti i odgovornosti u pogledu kvaliteta pružanja javnih usluga, s jedne strane, te imajući u vidu stanje velikog procenta nezaposlenosti na području Grada, s druge strane,

preporučuje se direktorima javnih ustanova čiji je osnivač Grad Zenica da kod zapošljavanja primjenjuju principe transparentnosti i socijalne osjetljivosti, odnosno da provode postupak javnog oglašavanja upražnjenih radnih mjesta, kao i proceduru izbora putem formiranja komisija i obavljanja intervjua sa kandidatima koji ispunjavaju uslove utvrđene zakonskim propisima i općim aktima, odnosno pravilima javne ustanove.

II

Prilikom procedure izbora i provođenja intervjua sa kandidatima, trebalo bi voditi računa o kriteriju socijalnog i posebnog statusa kandidata (prednost dati kandidatima koji žive u porodici bez prihoda, članovima porodica poginulih boraca, odnosno porodica šehida, RVI).

III

Ukoliko prijavljeni kandidati ne spadaju u kategorije iz tačke II, prilikom izbora i prijema u radni odnos, ne bi trebalo birati one čiji su članovi porodica zaposleni u gradskoj upravi, javnim preduzećima i javnim ustanovama.

IV

Zadužuju se direktori javnih ustanova iz tačke I da javni oglas za prijem zaposlenika dostavljaju i za objavu na web stranici Grada Zenica, te da Gradonačelniku kvartalno dostavljaju izvještaje o prijemu novih zaposlenika.

V

Ova Preporuka se dostavlja javnim ustanovama čije upravne odbore i direktore bira ili daje saglasnost na izbor Gradonačelnik, a objaviće se na web stranici Grada Zenica.

Broj: 02-49-593/AF
Zenica, 16.01.2017.

Dostavljeno:
1x Svim javnim ustanovama
1x a/a

